

САКРАЛ ЛАНДШАФТЛАРНИ ТАДҚИҚ ЭТИШНИНГ НАЗАРИЙ –  
МЕТОДОЛОГИК АСОСЛАРИ.

Холиқов Р.Й

*Фаргона давлат университети  
География кафедраси профессори*

**Аннотация:** *Мақолада сакралландшафт тушунчаси, сакрал ландшафтларни тадқиқ этишининг илмий-методологик асослари тахлил этилган.*

**Калит сўзлар:** *сакрал худудлар, сакрал ландшафтлар, этнослар, сакрал объектлар, динийтуризм, зиёрат туризими.*

**НАУЧНО-МЕТОДИЧЕСКИЕ ОСНОВЫ ИССЛЕДОВАНИЯ САКРАЛЕННЫХ  
ЛАНДШАФТОВ .**

**Аннотация:** *В данной статье кратко анализированы понятие сакрального ландшафта, научно-методические основы их исследований.*

**Ключевые слова:** *сакральные пространства, сакральные ландшафты, этносы, сакральные объекты, религиозный туризм, туризм помоничества.*

Сакрал ландшафтларни муҳим жиҳатларидан бири табиий-тарихий генетик хусусиятларига кўра келиб чиқиши, шаклланиши, ривожланишининг маконий хусусиятларга эга эканлигидир. Сакрал худудларнинг муҳим функцияси маънавий эҳтиёжларга хизмат қилишдир. Сакрал ландшафтларни тадқиқ этишда уларнинг худудий жойланиши, келиб чиқиши, функциялари муҳим аҳамиятга эгадир.

Сакрал ландшафтларни тадқиқ этишда сакрал худудларни маданий ландшафтларнинг бир қисми сифатида, муайян функцияларни бажарувчи объект сифатида қараш катта аҳамият касб этади. Дунё миқёсида сакрал ландшафт тушунчаси мукамал ишланган илмий категория сифатида [Tuan, 1975; Tuan, 1976; Carlson, 1982] эътироф этилади.

В.Л.Кагинский [2001] тушунчасига кўра этник урф –одатлар ва маданиятига кўга худудларни семантик ва символик(рамзий) ўзлаштириш сакрал ландшафтларни ўзига хос хусусиятларини кўрсатиб беради.

М.В.Рагулина [2007-2013] сакрал ландшафтларни маданий ландшафтларни бир қисми сифатида тадқиқ этишда унинг ўзаро боғлиқ бўлган маънавий, образли, рамзий ва маконий семантик жиҳатларини асосий жиҳатлар деб қарайди. Сакрал худудлардаги сакрал объектларни ўзига хос функцияларини ва улар негизида шаклланган этномаданий урф – одатлар ва маданиятларни ўрганиш, сакрал ландшафтларни тадқиқ этишда муҳим босқич ҳисобланади.

В.К.Воловикнинг эътироф этишига кўра сакрал ландшафтлар худудда сакрал ва профан маконлар мавжуд. Унинг фикрига кўра этномаданий ландшафтларни шаклланишида этносларнинг фаолияти бирламчи манба бўлиб хизмат қилади. [2013,с.4]

Сакрал ландшафтларни тадқиқ этишда худудий генетик белгиларига кўра табақалаштириш ҳам муҳим аҳамиятга эгадир. Б.Ц.Гомбоев [2006] сакрал худудларни типологик табақалаштиришда: этник, табиий географик (тоғ, дашт, сув манбалари ва бошқалар), мавсумий белгиларини ҳисобга олиш зарурлигини кўрсатиб беради.

М.Е.Кулешова [кулешова, 2002] сакрал ландшафтларни йирик ижтимоий маданий хосила сифатида кишиларнинг бирмунча катта гуруҳлари яшайдиган макон, ҳаёт мухити деб тушунтиради. Сакрал ландшафтлар табиий – тарихий ва маданий худудларни ўзаро боғлиқлиги таъсири ва алоқалари доирасида шаклланади.

Сакрал ландшафтларни тадқиқ этишнинг методологик асосларини яратишда А.Н.Окладникова, Н.Н.Когмар, В.В. Попова, Т.И.Божук, С.Павлов, П.В.Шуканов, К.Мезенцев, Ю.Когатько, Л.Ключко, Л.В.Атаман, М.Ю.Аксанова ва бошқаларнинг тадқиқотлари ҳам муҳим аҳамиятга эгадир.

Л.В.Амананнинг [2015] фикрига кўра сакрал ландшафтларни тадқиқ этишда К.Мезенцев, Ю.Когатько, Л.Ключко, Т.Божуклар томонидан ишлаб чиқарилган методлар катта аҳамиятга эгадир. Улар томонидан ишлаб чиқилган назарий, баҳолаш, аналитик ва конструктив услублар кенг қўлланилади. Л.Ключко Сакрал ландшафтлардан диний фаолиятларни ўрганишда 6 та босқични ажратади: тадқиқотни режалаштириш, аниқ маълумотларни тўплаш, бирламчи қайта ишлаш, натижаларни аналитик синтетик таҳлил қилиш, башоратлаш ва тегишли тавсияларни бериш.

Сакрал ландшафтларни тадқиқ этишда 3 та муҳим функционал, тарихий – генетик, худудий йўналишлар мавжуд. Функционал йўналиш сакрал объектларнинг фаолияти, бажарадиган функцияларини тадқиқ этишга асосланган. Сакрал объектлар кишиларнинг рухий, маънавий, диний эҳтиёжларини қондиришга хизмат қилади. Аксарият ҳолларда сакрал объектлар кишиларни барча эҳтиёжларига хизмат қилиши мумкин. Бундай сакрал объектлар диний зиёратгоҳлар, муқаддас қадамжолардан иборат бўлади.

Сакрал ландшафтларни ўрганишда кўпинча локал объектлар сифатида ғорлар, қоя тошлар, булоқлар, яқка дарахт ёки дарахтзорлар, дарёлар табиий манбалар ҳисобланади. Улар маъмурий район, вилоят ёки алоҳида локал худудларда жойлашган бўлиб, баъзан сакрал тизимларни ташкил этиб бажарадиган функциялари комплекс характерга эга бўлади. Масалан, Фарғона тумани маркази Водил шаҳарчасида Хожи Аҳмад Валий мазори ва уни яқинидаги минг йилликлар билан ёши тенглаштирилган улкан чинор ҳам улкан зиёрат ҳам рекреация функциясини бажаради. Зиёратгоҳнинг мавжудлиги учун улкан чинор ҳам сакрал объект сифатида хизмат қилади.



Тадқиқотлар шуни кўрсатадики, сакрал объектларни бундай ёнма - ён жойланиши табиий ва тарихий маданий, диний сакрал объектларни бир бирига яқинлиги зиёрат туризимида ва рекреацияда мақсадли фойдаланиш имкониятини орттиради.

Сакрал ландшафтларни тадқиқ этишда этимологик метод ҳам муҳим аҳамиятга эга. Бу методнинг асосида сакрал объектларнинг номи, унинг мазмуни, келиб чиқишини ўрганиш ётади. Сакрал объектларнинг номлари буюк шаҳарлар, азизлар, авлиёлар, шайхлар номлари билан ёки табиий-тарихий манбалар билан боғлиқ бўлиши мумкин. Масалан, Оқ тепа, Оқ мазор, Етти булоқ, Хизр мазор, Саткак ота, Ёрдон ота каби зиёратгоҳлар этимологияси уларнинг сакраллашувида муҳим аҳамиятга эга бўлган.

К Мезенцев ва Ю.Кочатьковлар[2009] томонидан сакрал объектларни мажмуали ўрганишда тадқиқотларнинг 4та муҳим босқичлари ажратилади;

- Назарий (тадқиқот концепциясини шакллантириш) ;
- Баҳолаш( диний вазият таҳлили, сакрал ҳудудларни ҳосил бўлишига таъсир этувчи омилларни баҳолаш);
- Аналитик (тахминий) (геодиний тизимларни таҳлил қилиш ва сакрал ҳудудларни ўрганиш;
- Конструктив (диний – географик районлаштириш , сакрал ҳудудлардан фойдаланишни такомиллаштириш;

Сакрал ҳудудларни ўрганиш ва тадқиқ этишда бир қатор фанлар тадқиқот йўналишларида фойдаланиладиган методларни қўллаш ҳам мумкин бўлади. Бундай методлардан бири – индуктив ва дедуктив методлар ҳисобланиб, индуктив – алоҳида сакрал объектларни ўрганиш орқали уларни ҳосил бўлиши ва ҳудудий жойланиши ҳақидаги умумий қонуниятларни аниқлашга, дедуктив- сакрал объектларни умумий жихатларини ўрганиш орқали уларга алоҳида тасниф бериш, табақалаштириш ишлари амалга оширилади.

Сакрал ландшафтларни тадқиқ этишда амалий ландшафтшуносликда қўлланиладиган табиий – генетик маконни –қиёслаш, таҳлил ва синтез, картографик методлар ҳам яхши самара бериши мумкин. Тарихий генетик метод сакрал ҳудудларни келиб чиқишининг табиий-тарихий асосларини аниқлаб беради. Бунда маҳаллий этносларнинг табиат билан муносабатлари, турмуш тарзи, урф одатлари, диний қарашлари, эътиқодлари ўрганилади, сакраллашув тенденциялари аниқланади. Картографик метод бир мунча кенг қўлланилиб сакрал объектларни аниқлаш, табақалаштириш, карталаштиришга асосланган. Сакрал ландшафтларни карталаштиришда ўрта ва йирик масшабли карталар тузиш муҳимдир. Локал ҳудудий жойланишга эга бўлган сакрал объектларни карталаштиришда уларни функцияларига кўра ажратиб кўрсатиш мақсадга мувофиқдир.

Сакрал объектларни карталаштиришда улардан туризм ва рекреация мақсадларида фойдаланишни асосий мақсад қилиб қўйиш ҳам муҳим аҳамиятга эгадир.

Сакрал ландшафтлардан туризм ва рекреация мақсадларида фойдаланишда сакрал объектларни туристик йўналишларини кўрсатиб бериш, сакрал худудларда туристлар ва зиёратчилар учун ташкил этилган сервис объектларини тасвирлаш, транспорт йўллари йўтказиш ўта муҳимдир.

Сакрал худудларни тадқиқ этишнинг ҳисоблаш методи ўрганилаётган сакрал объектларни статистик иаълумотларни тўплаш ва қайта ишлашга асосланган. Унинг негизида математик моделлар ва формулалар бўлиб, турли кўрсаткичлар бўйича сакрал объектларни маконий жойланиши ўрганиб чиқилади. бундай методга асосланган тадқиқотлардан бири В.Патайчук [1998] томонидан Россия давлатининг Волинск областида амалга оширилган. Унинг тадқиқотларида:

- диний ташкилотлар культ иншоатларнинг таъсири радиуси;
- диний қатламларнинг концентрация даражаси;
- диний жамоа ва культ иншоатларнинг локализация индекси;
- диний жамоаларнинг маконий таъсир кўрсаткичлари;
- диний жамоаларнинг худудий табақаланиши;
- диний географик марказларнинг потенциал майдон кўрсаткичлари ҳисобга

олинади.

Диний муассаса ва культ иншоатларнинг ўртача таъсири радиусини ўлчашда қуйидаги формуладан фойдаланилади: —

$$R_s = N \sin I$$

Яъни  $R_s$ - диний объектларнинг ўртача таъсир радиуси

$S$ -худуднинг умумий майдони км<sup>2</sup> да.

$N$ - диний объектлар сони

$I$ - субъект индекси.

Тадқиқотчи томонидан диний жамоаларнинг худудий локаллашув индексини қуйидаги формула бўйича аниқланган:

$$I_l = H_o / G_o ,$$

Яъни:  $I_l$  – диний жамоаларнинг локаллашув индекси; %да,

$H_o$  - район аҳолисини вилоятдаги улуши; %да,

$G_o$  - диний жамоаларнинг областдаги хиссаси; %да,

Диний жамоаларнинг маконий таъсир кўрсаткичи, эса қуйидаги формула билан ҳисоблаган:

$$P_b = N / P_o ,$$



Яъни:  $P_v$  – диний жамоаларни маконий кўрсатгичи,

$N$  - тадқиқот ҳудудидаги аҳоли пунктлари сони

$P_o$  - тадқиқот ҳудудидаги диний ташкилотлар сони.

Сакрал ландшафтлардан бугунги кунда диний туризм ва зиёрат туризмида фойдаланиш меъёрий кўрсаткичларини ишлаб чиқиш ушбу тармоқнинг иқтисодий салоҳиятини ортиришда сакрал объектларни критерияларини белгилаш, улардан зиёрат ва диний туризмда оптимал фойдаланиш имкониятларини яратади. Т.И.Божук [2008] томонидан тавсия этилган методда сакрал туристик объектларни баҳолашнинг 1,2 ёки 3 балли баҳолаш шкаласига эга. Ҳар бир сакрал объект учун максимал баҳолаш кўрсаткичи 69 балга тенг, минимал – 23 бални ташкил этади. Тадқиқотни амалга оширишда сакрал объектларнинг ҳозирги ҳолати, унинг турлари, тарихий – маданий, маънавий, рекреацион – хис қилиш имкониятлари ҳисобга олинади.

Фарғона вилоятининг сакрал ландшафтларини тадқиқ этишда юқорида қайд этилган тадқиқот методларини ўрганиш, таҳлил этиш орқали тадқиқот объектимиз учун мақбул бўлган жиҳатларидан назарий ғоялардан фойдаланишга ҳаракат қилдик.

Фарғона вилоятидаги сакрал ҳудудларни аниқлаш, уларнинг сакраллашуви, сакрал объектларнинг маҳаллий этносларнинг дини, маданияти, урф одатларига хос бўлган жиҳатларини аниқлашда табиий- тарихий – генетик ҳудудий географик тамоилларга асосландик. Шунингдек қиёсий баҳолаш, статистик, ландшафт тизимли ёндашув, картографик тадқиқот методларидан фойдаландик.

### Фойдаланилган адабиётлар:

1. Кагинский В.Л. Советское пространство: ландшафтный и экологический аспект. М: новое литературное обозрение, 2001, 576 с.
2. Рагулина М.В. Культурный ландшафт и сотворчество человека и природы.
3. Воловик В.Н Категория сакрального ландшафта URI: [http:// www.geo-vestnik, psu.ru /files/ vest 438-volovyk, paf.](http://www.geo-vestnik.psu.ru/files/vest_438-volovyk_paf)
4. Гомбаев Б.Ц. Культурные места Баргузинской долины, Улан-Уде: Изд. Полигр, комплекс, Вост.сиб. академии культуры.
5. Кулешова М.Е. Управление культурными ландшафтами иными объектами Историко-культурного наследия в национальных парках. М: Из-во центра охраны дикой природы 105 с.
6. Атаман Л.В. Исследование сакрального пространства региона: методология и принципы. Пековский регионалогический журнал №23/2015 с/07-116.
7. Мезенцев К, Когатко Ю. Методы исследования географии религии: целесообразность использования, систематизация, потенциал картографического и центрографического методов. Вестник КГУ, 2009, вып. 56 с-38-39 религи.

8. Пати чук В. Территориальная организация религиозной сферы административной области (на примере Волынской области) : дис. Кандидата геогр. Наук 11.00.02. Луцк: Волинской ГУ. Имени леш Украинский, 1998, 202 с.

9. Божук Т.И. методические аспекты определения оценки сакральных объектов для нужд туризма //Вестник львовского государственного института новейших технологик и управления имени Вечеслава Чёрновила. Серия «Экономические науки», 2008. Вып.3.С. 260-272

10. Isomiddinovich A. O., Yigitaliyevich X. R. Territorial Structure and Stability of Ecological Framework //International Journal of Progressive Sciences and Technologies. – 2021. – Т. 29. – №. 2. – С. 462-467.

11. Xoliqov R. Y., Dexkanbayeva M. N. Sacral landscapes as objects of religious tourism and recreation //Экономика и социум. – 2019. – №. 10 (65). – С. 467-470.

12. Xolikov, R., & Qo'chqarov, O. (2021, July). BASIC PRINCIPLES OF URBAN EKOLOGICAL TERRITORIAL ORGANIZATION OF URBAN DEVELOPMENT. In *Конференции*.

13. Холиков, Р., & Қўчқаров, О. (2021). BASIC PRINCIPLES OF URBAN EKOLOGICAL TERRITORIAL ORGANIZATION OF URBAN DEVELOPMENT: <https://doi.org/10.47100/conferences.v1i1.1326>. In *RESEARCH SUPPORT CENTER CONFERENCES* (№. 18.06).

14. Xolikov, R., & Qo'chqarov, O. (2023). SHAHARLAR TUPROQLARINING TEXNOGEN IFLOSLANISHI VA UNING EKOLOGIK OQIBATLARI. *Scientific journal of the Fergana State University*, (1), 183-183.

15. Холиқов, Р. Й. (2022). ТОҒ-ВОДИЙ ПАРАГЕНЕТИК ЛАНДШАФТЛАРИНИНГ ЎЗАРО БОҒЛИҚЛИГИ ҚОНУНИЯТЛАРИ. *O'ZBEKISTONDA FANLARARO INNOVATSIYALAR VA ILMIY TADQIQOTLAR JURNALI*, 2(14), 410-412.

16. Холиқов, Р. Й. (2022). ТОҒ-ТЕКИСЛИК ПАРАГЕНЕТИК ЛАНДШАФТЛАРИНИНГ ЧЕГАРАЛАРИ ҲАҚИДА. *O'ZBEKISTONDA FANLARARO INNOVATSIYALAR VA ILMIY TADQIQOTLAR JURNALI*, 2(14), 413-415.